



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMUNA JUNIK
OPŠTINA JUNIK – MUNICIPALITY OF JUNIK



REFERENC-Ë:	Numër: 02-11/22
PËR/ZA/TO:	Anëtarët e Kuvendit Komunal Junik
NGA/OD/FROM	Shpejtim Gacaferi - Kryesues i Kuvendit Komunal Junik
DATE/A	28.10.2022
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL:

Me rastin e mbajtjes së mbledhjes së njëmbëdhjetë (11) të Kuvendit të Komunës së Junikut, me datë: 28.10.2022, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Shpejtim Gacaferi: i cili në fillim përshëndeti, nënkryetarin e Komunës së Junikut z. Besart Tofaj, drejtorët e drejtorive komunale, anëtarët të Kuvendit Komunal, zyrtarët Komunal dhe gjithë të pranishmit. Në mbledhje nga drejtoret prezent ishin: znj.Leunora Shehu-AD, znj.Vjollca Qestaj-DBF, znj.Gentiana Tofaj-DZHE, z.Zenun Shala-DUKM, z.Xhavit Velijaj, z.Fatos Shala-DSHMS, z.Demokrat Ganiqaj-DSHPMS.

Anëtarët prezent

1. Shpejtim Gacaferi - Kryesues, LDK
2. Sadri Krasniqi – Anëtar, LDK
3. Alfred Gaxherri - Anëtar, LDK
4. **Albertina Gacaferi - Anëtare, LDK-ka munguar**
5. Ermelinda Lllolluni - Anëtare, LDK
6. Lirjeta Shehu - Anëtare, LDK
7. Leonard Lllolluni - Anëtar, AAK
8. Zenel Maloku - Anëtar, AAK
9. Dervish Bajraktari - Anëtar, AAK
10. Rajmonda Krasniqi - Anëtare, AAK
11. Erleta Qestaj - Anëtare, AAK
12. Festina Maloku - Anëtare, AAK
13. Lulzim Gacaferi- Anëtar, LVV
14. Eliza Pepshi-Anëtare,LVV
15. Xhemë Tofaj-Anëtar LVV

Rendi i ditës i paraparë

1. Shqyrtimi dhe miratimi i procesverbaleve nga mbledhjet e kaluara,
2. Raporti periodik i buxhetit për përdhën Janar-Shtator 2022 i Komunës së Junikut,
3. Formimi i komisionit për plotësim-ndryshim të rregullores për taksa, ngarkesa dhe gjopa komunale për vitin 2023,
4. Shqyrtimi dhe aprovimi i kërkesës për hartimin e rregullores për Institucionet edukativo-arsimore të Komunës së Junikut,
5. Shqyrtimi dhe miratimi i kërkesës për zëvendësimin e një anëtarit të KKSBB_së,
6. Shqyrtimi i kërkesës së antarit të kuvendit rreth mirëmbajtjes dhe kujdesit të deponisë së materialeve inerte në Komunën e Junikut,
7. Kërkesë për Draft Statutin e QKMF_së “Dr.Ali Hoxha”-Junik,
8. Të ndryshme.

z.Shpejtim Gacaferi, e hapi debatin rreth rendit të ditës.

z.Leonard Lllolluni, përshëndetje për të gjithë, ne grupi i AAK kemi patur kërkesë që si rend të ditës të hynë edhe shqyrtim i varrezave në fshatin Gjocaj, fshat në kuadër të Komunës së Junikut, dhe sipas informatave që kam kjo kërkesë ka kaluar edhe në KPF, është votuar pro dhe nuk është në rend të ditës, me çfarë të drejte ka ndodhur kjo?

z.Shpejtim Gacaferi, është diskutuar në KPF por nuk është votuar për të, ka qenë kërkesë e z.Xhemë Tofaj, por ishin dy pika për rend të ditës nga ana e tij, dhe në bazë të rregullores së kuvendit antareve të kuvendit i lejohet që të bëjë kërkesë vetëm për një pikë të rendit të ditës pika e gjashtë e rendit të ditës ka hyrë për shqyrtim për mbledhjen e sotit pasi që për këtë pikë është përcaktuar, pastaj kjo kërkesë ka ardhur nga znj.Rajmonda Krasniqi, që kjo kërkesë të vijë si kërkesë në mbledhjen e kuvendit, por nuk është se është votuar dhe nuk ka kaluar në KPF.

znj.Rajmonda Krasniqi, përshëndetje për të gjithë, ne në KPF e kemi diskutuar që të hynë si pikë e rendit të ditës edhe kjo kërkesë, arsyja ishte që në kuvendit të jenë prezent të gjithë delegatet dhe ti kryesues e ke konfirmuar me ok, dhe kjo kështu ka mbetur, dhe kur ju e keni pohuar me ok e kam marur sit të perfunduar kete qeshtje.

z.Shpejtim Gacaferi, ne baze të proceduarve administrative fshatrat Gjocaj dhe Jasiq janë vendbanime të komunes së Junikut, mirëpo sipas ligjit të parkut kombëtarë ajo pjesë menaxhohet nga parku kombëtarë dhe në këtë kuadër inspektorët e Komunës së Junikut nuk kanë të drejtë të inspektojnë në atë pjesë përpos inspektorët e parkut nacional, përpos kësaj me këtë çështje janë duke u marrë organet e policisë dhe të prokurisë dhe ne nuk kemi çka të bëjmë më tepër.

z.Zenel Maloku, përshëndetje për të gjithë, kryesues mu me mbetet hatri të ti sepse këtë çështje po e bene të lehtë, jo parku jo anej jo kënde, kjo për mua janë “pollavra”, a ka marr leje dikush në park për ti rrafshuar këto vorre? Këtë punë e ka berë Komuna nuk e ka berë babai im, e ka berë drejtori i kryetarit të Komunës së Junikut, dhe kjo çështje është e rëndë për Junikun dhe për familjet e atyre varreve, dhe më e rënda është për ato vorre që janë shkatërruar.

z.Lulzim Gacaferi, përshëndetje për të gjithë, meqë është drejtoresha e administratës prezent unë kam një pyetje, fshatrat Jasiq dhe Gjocaj a administrohen nga komuna e Junikut dhe qytetarët e këtyre dy fshatrave a paguajn taksa ne Komunën e Junikut, tatimin ne pronë dhe taksat tjera?

znj.Leunora Shehu, përshëndetje për të gjithë, taksa e tatimit ne pronë nuk përfshihet te drejtoria e administratës

z.Shpejtim Gacaferi, z.Lulzim Gacaferi, jemi te pika e rendit te ditës.

z.Lulzim Gacaferi, unë nuk levizi nga kjo kërkesë, qytetarët e këtyre dy zonave a paguajnë taksa ne Komunën e Junikut? Andaj dua pergjigje nga kryetari i Komunës drejtorët, mos me injoroni Kryesues.

z.Shpejtim Gacaferi, nuk mundeni te merrni pergjigje pa kaluar rendi i ditës.

z.Sadri Krasniqi, përshëndetje për te gjithë, unë po i kuptoj z.Zenel Malokun, e z.Leonard Lllollunin, edhe po e di edhe qëllimin e tyre, si gjest çdo kush që ka ndëgjar askujt mirë nuk i ka ardhur dhe e kan dënuar dhe nuk di se çka kemi ne te diskutojmë këtu në kuvend ku rasti është ne polici dhe prokuri, andaj ne si LDK e perkrahim këtë rend te ditës te propozuar.

z.Leonard Lllolluni, unë propozoj që si pikë e rendit te ditës te hynë edhe diskutimi për shkatrrimin e varrezave ne fshatin Gjocaj.

z.Shpejtim Gacaferi, atëher fillimisht votojmë për propozimin tim që patëm rendin e ditës me pikën shtesë te kërkeses se drejtorisë se Shëndetësisë, pastaj e qesim në votim edhe kërkesën e grupit te AAK-se, kush është për rendin e ditës te propozuar me pikë shtesë kërkesën e Drejtorisë se Shëndetësisë? për 8 vota, kundër 6, abstenim 0 vota, tani e qes ne votim edhe kërkesën e grupit te AAK-se, kush është për? 10 vota për, kunder 4 vota, abstenim 0 vota, konstatoi se u miratua rendi i ditës me këto pika:

1. Shqyrtimi dhe miratimi i procesverbaleve nga mbledhjet e kaluara,
2. Raporti periodik i buxhetit për periudhen Janar-Shtator 2022 i Komunës së Junikut,
3. Formimi i komisionit për plotësim-ndryshim të rregullores për taksa, ngarkesa dhe gjoba komunale për vitin 2023,
4. Shqyrtimi dhe aprovimi i kërkesës për hartimin e rregullores për Institucionet edukativo-arsimore të Komunës së Junikut,
5. Shqyrtimi dhe miratimi i kërkesës për zëvendësimin e një antari të KKSBB_së,
6. Shqyrtimi i kërkesës së anëtarit të kuvendit rreth mirëmbajtjes dhe kujdesit të deponisë së materialeve inerte në Komunën e Junikut,
7. Kërkesë për Draft Statutin e QKMF_së “Dr.Ali Hoxha”-Junik,
8. Diskutimi për shkatrrimin e Varrezave ne fshatin Gjocaj.
9. Të ndryshme.

1. Shqyrtimi dhe miratimi i procesverbaleve nga mbledhjet e kaluara,

z.Lulzim Gacaferi, kërkoj nga procesmbajtësi që fjalisë time mos ti mungoj as një gerrëm pikë apo prese te prezentohet ashtu qysh unë flas.

z.Shpejtim Gacaferi, vërejtje tjera nuk ka, e qes ne votim procesverbalin e mbledhjes se kaluar kush është për? për 14 vota, kundër 0 vota, abstenim 0 vota, konstatoi se procesverbali u miratua.

2. Raporti periodik i buxhetit për periudhën Janar-Shtator 2022 i Komunës së Junikut,

Sqarimin dhe raportimin e raportit periodik te buxhetit për periudhën Janar-Shtator 2022 i komunës se Junikut e beri Drejtoresha për Buxhet dhe Financa znj.Vjollca Qestaj e cila fillimisht i përshendeti të gjithë, e më pas e sqaroi Raportin para anëtarëve të Kuvendit.

z.Leonard Llojuni, sa i përket shpenzimeve unë kam tri pika, te shpenzimet e telefonit i keni në total 6427€ që për një Komunë te vogël si Komuna e Junikut janë shpenzime të larta, karburante për automjete keni shpenzuar nga janari 12176€ që për komunën e Junikut është shumë e lartë e shpenzimeve, si dhe keni dreka zyrtare 2332€.

z.Lulzim Gacaferi, kam disa çështje por një sqarim shtesë shërbimet tjera kontraktuese te Shërbimet Publike keni 20616€ të më sqaroni me gjansisht, te shpenzimet telefonike, e kam biseduar edhe para tre muajve këtë temë, dhe kam kërkuar nga ju që fatmirësisht ka kompani telefonike që ofertojnë sidomos për institucione Komunale pako te lira deri në 22€, kjo shumë e prezentuar e shpenzimeve telefonike është shumë e lartë për komunën e Junikut, dhe unë mendoj se paratë e taksa paguesve tanë duhet te kursehen aty ku është e mundur, çështja tjetër është karburantet për automjete, 1765€ zyra e Kryetarit kjo është në rregull sepse Kryetari i duhet te udhetojë për ne Prishtinë, por çka mua me brengosë është, te administrata kemi 1561€, kuse të shërbimet publike kemi 5201€, komuna ka 5 km, vije lartë poshtë dhe mendoj se për këto kilometra është një shumë e lartë e shpenzimeve dhe e pa kuptimtë, çështja tjetër është mirëmbajtja e ndërtesave, për cilat ndërtesa bëhet fjalë apo keni menduar për objektin e komunës, oobjektet e shkollave, objekti i shëndetsisë apo çka keni menduar? Sepse në Komunën tonë nuk ka ndërtesa, shuma është 4344€, pastaj keni dreka zyrtare 2332€ duhet te dihet se nga kush ka ardhur, nëse është nga zyra e Kryetarit atëherë është e arsyeshme, shpenzimet energjetike, komuna duhet që te bëjë të mundur te kursehet energjia sepse tani në tërë botën janë duke u marrë masa që te ketë kursime energjetike, dhe çka me bëri përshtypje negative te raporti finaciari, mobile me pak se 1000€, kompjuter më pak se 1000€, a ban me na sqaruar këtë se për çka bëhet fjalë në faqe numër 9.

z.Arten Hamza, përshëndetje për të gjithë, desha me u ndërlidhur tek këto kode ekonomike, këto janë kode ekonomike sipas planit që ka qeveria, dhe organizatat buxhetore përmes këtyre kodeve ekonomike i bënë shpenzimet e mjeteve, komuna nëse bane shpenzime atëherë duhet te jenë te njejtat me ato kode që janë të përcaktuara, ndërsa sa i përket shpenzimeve tjera kontraktuese janë te përfshira shpenzime kontratat mbi vepër, obligime nga viti i kaluar janë 70407€, transporti i nxënësve 11964€, shërbimet e printimit dhe e kopjeve, 2978€ si dhe dezinfektuesi i vendosur në hyrje te QKMF_së, në hyrje te objektit te Komunës, si dhe në hyrje te objekteve te shkollave, 270€ që ka qenë obligim i vitit te kaluar po ashtu hynë mobilimi i klasave në parashkollorë në bashkëfinancim me Caritasin, në vlerë prej 2250€, mirëmbajtje e ndriçimit publik në vlerë 500€, rregullimi i pusetave 1940€, desinfektimi i objekteve shkollorë në vlerë 607€, furnizimi me plisa

me rastin e manifestimit të 110 vjetorit të "Kuvendit i Junikut" 715€ si dhe furnizimim me billborda po ashtu me rastin e 110 vjetorit të "Kuvendi i Junikut" 970€, ne total janë 92696€.

znj.Leonora Shehu, sa i perket shpenzimeve të telefonisë nga Administrata gjithsejtë është 1952€, ne e kemi pranuar një faturë nga telefonia Vala e që është nga zyra e Kryetarit dhe ne mungesë të mjeteve nga zyra e Kryetarit pagesa e kësaj fature është bërë nga Administrata.

z.Lulzim Gacaferi, po me intereson a keni bërë kontratë të re me operatorët e telefonisë.

znj.Leonora Shehu, jo nuk ka kontratë të re sepse kemi një kontratë që është valide deri në fund të këtij viti 2023.

Znj.Vjollca Qestaj, u pa se ka shqetsim të madh për shpenzimet në kategorinë në mallra dhe shërbime , unë foli në për një vit fiskal, dhe buxheti ndahet për një vit fiskal dhe ai buxhet duhet të shpenzohet për atë vit fiskal por ajo çka ka ndodhur në këtë vit 2022 është se ne më shumë se 105000€ boregje të vitit 2021 kemi paguar në vitin 2022 e ato borgje përfshihen borgjet e derivateve, për telefoninë mobile.

znj.Gentiana Tofaj, përshendetje për të gjithë, u përmenden disa shpenzime nga zhvillimi ekonomik në shumë prej 980€ është e vertetë që nuk është borgj i viti të kaluar, mirepo ne kemi patur një manifestim "Ditët e Gjeravices" dhe me këtë shumë është paguar dreka.

z.Demokrat Ganiqaj, përshendetje për të gjithë, kur jam emëruar drejtor me kan ardhur dy fatura për Gusht dhe Shtator të vitit 2021 njëra është në shumë prej 1300€ dhe tjetra është në shumë prej 1500€, janë afër 3000€ borgje për derivate nga viti 2021, por pavarësisht kësaj në kuadër të drejtorisë janë automjeti i Inspektorëve, kamionat e Zjarrfikësve, traktori dhe është bageri që e kemi si donacion nga bashkvendasi donacion për rrafshimin e mbeturinave, dhe për këto arsyeje neve si Shërbime publike na bëjnë shpenzues me të mdhenjë të derivateve në Komunën e Junikut.

z.Leonard Llojlluni, për drejtorin e shërbimeve Publike kam një pyetje, a është shë ky borgj në shumë prej 294€ për udhetime jashtë vendit, sepse nëse flitet në total siç po flitet këtu atëherë del se edhe kjo shumë është borgj, andaj mos folni në total, sepse ka më shumë shpenzime të këtij viti se borgje të viti të kaluar.

z.Xhemë Tofaj, përshëndetje për të gjithë, unë desha të pyes Drejtoreshën e Zhvillimit Ekonomik, kjo për manifestimin e "Ditët e Gjeravices" në shumën prej 980€ pse është quajtur dreka zyrtare?

znj.Gentiana Tofaj, në momentin që ka një marrëveshje në mes Komunës dhe organizatorëve shoqatës "Rrasa e Zogut" konsiderohet si kod ekonomik që ne mundemi me bërë pagesën, pra është kod ekonomik kategoria dreka zyrtare.

3. Formimi i komisionit për plotësim-ndryshim të rregullores për taksa, ngarkesa dhe gjopa komunale për vitin 2023,

Sqarimn e kesaj pike e beri Kryesuesi i Kuvendit z.Shpejtim Gacaferi.

z.Lulzim Gacaferi, unë propozoj qe meqe jemi tri subjekte te përfaqësuar ne Kuvend të ketë secila përfaqësuesin e vet ne ketë komision.

z.Shpejtim Gacaferi, rregullorja e kuvendit e ka caktuar qe kuvendi të përfaqësohet me dy anëtar.

z.Lulzim Gacaferi, unë protestoj dhe kërkoj qe Kuvendi te përfaqësohet me tre anëtarë secili subjekt me nga një anëtar, perndryshe nuk keni votat tona dhe do ju barakadojmë.

znj.Rajmonda Krasniqi, sa i përket ketij komisioni ne grupi i AAK_se tërhiqemi nga përfaqësimi te ketij komisioni.

z.Leonard Lolluni, përkundër kësaj kryesues unë jam qe përfaqësimi i kuvendit ne ketë komision te perfaqsohen nga tri subjektet me nga një anëtar.

z.Lulzim Gacaferi, edhe grupi i LVV_je tërhiqet nga përfaqësimi ne ketë komision.

z.Sadri Krasniqi, grupi i LDK-se propozon z.Sadri Krasniqi, si dhe z.Zenel Maloku nga AAK_ja.

z.Zenel Maloku, unë nuk pranoj sepse subjekti im AAK u deklarua për mos përfaqësim në ketë komision.

z.Shpejtim Gacaferi, kemi një propozim nga kuvendi, e qes ne votim, prezent ne sallë gjinden 13 anëtarë të kuvendit, kush është për? për 5 vota, kundër 2 vota, abstenim 6 vota, konstatoi se propozimi kalon.

4. Shqyrtimi dhe aprovimi i kërkesës për hartimin e rregullores për Institucionet edukativo-arsimore të Komunës së Junikut,

Sqarimin dhe aryetimin e beri z.Xhavit Velijaj drejtor i Arsimit, i cili fillimisht i përshëndeti të gjithë dhe me pas e arsyetoj aprovimin e kerkeses per hartimin e rregullores për Institucionet edukativo-arsimore ne Komunën e Junikut.

z.Shpejtim Gacaferi, meqë nuk ka pyetje po sqaroj se përbërja e këtij komisioni është prej pesë anëtarëve tre nga ekzekutivi dhe dy nga kuvendi, ekzekutivi ka propozuar: z.Xhavit Velijaj Drejtori i DARS kryesues, z.Arton Krasniqi anëtar dhe z.Turim Ganiqaj anëtar, presim edhe dy propozime nga kuvendi.

z.Lulzim Gacaferi, pse duhet prap te perseritet kjo, qe kuvendi te ketë vetëm dy anëtarë, unë ju lutem mos e diskriminoni LVV_je sepse do ishte shumë më transparente te qe kuvendi te perfaqsohet me nga nje antar nga secili subjekt.

z.Leonard Lolluni, kryesues une propozoj që ne secilin komision kuvendi të përfaqësohet me tre anëtar nga secili subjekt me nga nje anëtar sepse do ishte me transparente.

z.Sadri Krasniqi, grupi i LDK_se propozon z.Alfred Gaxherri.

z.Xhavit Velijaj, komisioni mund te perbehet nga tre, pesë apo shtatë antar, por çështja është që në përberjet të ketë anëtar që kanë njohuri në aspektin profesional, grupi fillimisht e punon si draft dhe me pas e kalon edhe dy herë nëpër kuvend ky dokument për miratim.

z.Lulzim Gacaferi, ku ka këtu profesionalizëm, unë propozoj që ekzekutivi të ketë dy anëtar, kuvendi tre antar dhe ne e votojmë.

z.Besart Tofaj, pershendetje për të gjithë, unë kërkoj që të bëhet një lëshim në këtë pikë që kuvendi të dërgoj tre anëtar.

z.Zenel Maloku, unë e di se kuvendi është organ më i lartë se ekzekutivi, kuvendi jemi ne dhe ne jemi përfaqësues të qytetarëve, të gjitha votat e Komunës së Junikut i ke këtu, andaj propozimi i tyre është i drejtë, që kuvendi të dërgoj tre anëtar në këtë komision.

z.Xhavit Velijaj, numrin e përberjes së komisionit e përcakton rregullorja e kuvendit dhe ky draft ka me kaluar nëpërmjet KPF_se dhe kuvendit andaj nuk ka këtu kurrfarë tejkalimi të kuvendit.

z.Lulzim Gacaferi, Drejtor i nderm unë po di se kalon nëpër Kuvend por çështja është të mos transparenca dhe injorimi i LVV_je këtë nuk e lejoj.

znj.Rajmonda Krasniqi, në KPF e kemi diskutuar vetëm si çelës, propozimi i anëtarëve është mbetur të bëhet në kuvend.

z.Leonard Llojuni, kryesues qitë në votim si çelës a jemi për dy anëtar apo për tre anëtar?

z.Sadri Krasniqi, unë propozoj që numri i anëtarëve të rriten në shtatë.

z.Zenel Maloku, unë propozoj që komisioni të jetë në përbërje prej tre anëtarëve nga Kuvendi.

z.Shpejtim Gacaferi, e qes në votim që komisioni të jetë në përbërje prej tre anëtarëve të kuvendit kush është për? për 13 vota, kundër 0 vota, abstenim 0 vota, tani i pres propozimet nga ana e juve, LDK propozon z.Alfred Gaxherri, AAK propozon znj.Rajmonda Krasniqi, LVV propozon znj.Eliza Pepshi, unë propozoj që nga ekzekutivi të hiqet propozimi i tretë që është z.turim Ganija dhe komisioni të përbehet nga z.Xhavit Velijaj Kryesues, z.arton Krasniqi anëtar, z.Alfred Gaxherri anëtar, znj.Rajmonda Krasniqi anëtare dhe znj.Eliza Pepshi anëtare, e qes në votim, në sallë janë prezent gjithësej 13 antar të kuvendit, kush është për këtë përbërje? 13 vota për kundër 0, abstenim 0 vota, konstatoi se komisioni u miratua.

5. Shqyrtimi dhe miratimi i kërkesës për zëvendësimin e një antari të KKSB_së,

Sqarimin dhe arsyetimin e beri nënkryetari i Komunës së Junikut z.Besart Tofaj.

z.Zenel Maloku, unë nuk e perkrahi që anëtar i këtij komiteti të jetë me vendbanim jashtë Junikut, do ishte mirë që anëtarët në komitete të jenë banorë të Komunës së Junikut sepse efekti i punës së atij komitetit do të ishte më i lartë.

z.Lulzim Gacaferi, nësi LVV_je në e perkrahim propozimin e "Teqes", dhe do ta votojmë.

z.Sadri Krasniqi, edhe grupi i LDK_je perkrah propozimin e Teqes, sepse në e dimë se Teqja nuk mbulohet vetëm prej Junikut por mbulohet prej gjithë Kosovës dhe është e drejtë e tyre se kënd e delegojnë, kështu ishte edhe më parë.

z.Shejtim Gacaferi, propozimin e kemi atëherë e qes në votim, në sallë prezent janë 12 anëtarët e Kuvendit, kush është për? për 12 vota. Kundër 0 vota, abstenim 0 vota konstatoi se zëvendësimi i anëtarit të KKSB_je u miratua.

6. Shqyrtimi i kërkesës së antarit të kuvendit rrethë mirëmbajtjes dhe kujdesit të deponisë së materialeve interne në Komunen e Junikut,

z.Xhemë Tofaj, këtë debat e kam kërkuar në emër të grupit të LVV_je, kështu që për sqarim dhe arsyetim me të gjer ja kaloj fjalën shefit të grupit të LVV_je.

z.Lulzim Gacaferi i cili më pas e sqaroj dhe e arsyetoj kërkesë dhe bëri pyetje për drejtorin e Shërbimeve Publike, se cila është interesi i Komune së Junikut që ju të ja lejonin të hudhesh disa dhjeta tona material që përmban materije të demshme kancerioze dhe kimikale, po ashtu me tregoni për shpenzimet e fikjes së zjarrit, dhe si është e mundur që ju të thoni njerzëve kompetent dhe inspektorave që kur janë hudhur keto mbeturina të kompanisë Comedita Home, se ju e merini persiper këtë dhe nuk lejonin që të gjobitet kompania në fjalë, cila është interesi i komune dhe çfarët ka fituar komune me këtë, për mua si qytetar i kësaj komune por edhe si përfaqësuesi i këtij kuvendi është shqetsuese kjo qfarte ka ndodhur.

z.Demokrat Ganiqaj, a bën me të bëri një pyetje, prej kut po rrjedhë kjo se komuna e ka lejuar.

z.Lulzim Gacaferi, puntoret, zjarrfiksit që ishin prezent në atë ditë, po ashtu ju ishit aty prezent dhe para syve e juve janë hedhur dhjetra tone syngjer apo si të quaj shpuze që bartin substanca kimikale, dhe ju keni qene prezent, në do të marim masë kundër juve, dhe kompanisë në fjalë do me marim masë juridike. Une deshiroj të di nga ju pse keni lejuar një gjë të tillë të ndodhë, pse jeni involvuar ju keni qene prezent aty.

z.Xhemë Tofaj, qeshtja është të drejtori, sepse nuk ka të drejtë të thotë se nga ka rrjedhur informacioni por të përgjigjet në pyetjet që po i bëhen, për mendimin tim kjo është ironi dhe ti si kryesues nuk duhesh të lejojë këtë gjest.

z.Lulzim Gacaferi, une besoj fuqishëm se të gjitha këto gjëra që kanë ndodhur në komune tone, se pari i jepni imazh të keq Kryetarit të Komunës së Junikut, më vjen keq se po e them por ju e demtoni komunën e Junikut demtoni qytetarët tone dhe është për të ardhur keq.

z.Leonard Llojuni, desha të pyes drejtorin meqë është drejtori i shërbimeve publike dhe ka edhe inspektoriatin, a ke inicuar këtë rast në polici ti si drejtor.

z.Demokrat Ganijaj, e para komuna nuk e ka lejuar këtë as ne si drejtori dhe nuk kemi pasur as kërkesë për lejin e kësaj, dhe me e tregu në detaje këtë ngjarje, ka qenë drek dhe kemi parë disa kamijona që janë duke qarë dhe në deponi, e kam thirrur inspektorin dhe jemi shkuar me qellim për të mos lejuar që ta qet në deponi dhe kur jemi shkuar kemi parë se është ka qesin dhe dhe materiali syngjer, e kemi urdhëruar që të largojë ato materiale dhe ja kemi ndaluar të hudojë në deponi, mirë por ata na kanë thenë se neve na ka ftuar pronari i tokës, ne i kemi thënë se pronën private mundesh me mushur me dhe por jo me këtë material dhe e kemi detyruar që të largojë syngjeart dhe në prezencën tonë i ka larguar, por se kush ja ka vënë flakën në nuk e dimë, dhe meqë zjarrfikësit e ka marrë informatën ka shkuar që ta fikin zjarrin atëherë kanë pasur pengesë nga pronari i tokës, dhe me këtë as demokracia si individ po as komuna nuk kanë pasur të bëjnë asgjë me këtë qeshtë, përundrazi i ka ndaluar dhe i ka shtirë me të larguar ato materiale.

z.Lulzim Gacaferi, sa letar ndeshkuese keni bërë ju si Komune ndaj kompanisë në fjalë, dhe si është e mundur që të personalisht t'ju thuan inspektorëve se unë e marrë këtë përsipër, ju duhet të keni kujdes me mua sepse unë ju padis, i padis edhe ata që kanë vënë zjarrin, edhe zjarrfikësit edhe policinë, ju keni sjellë me dhjetar mijë tona në komune tone material kanceriogjen, ti ju ke thanë inspektorëve, zjarrfikësve se ti e merr përsipër këtë.

z.Xhemë Tofja, kam një pyetje për nënkryetarin, ne kemi kërkuar një raport nga zjarrfikësit dhe nga policia dhe nuk na ka sjellë kërkesën e kemi bërë në mbledhjen e KPF_se dhe nuk na keni sjellë.

z.Shpejtim Gacaferi, kuvendi nuk ka të drejtë të kërkojë raport nga policia, kuvendi nuk ka të drejtë të kërkojë raport nga zjarrfikësit sepse ata i raportojnë AME_se

z.Leonard Llojuni, drejtor nuk mu përgjigje në pyetje a keni iniciuar rastin në Polici.

z.Demokrat Ganijaj, për deri sa ato i ka larguar në nuk kemi iniciuar rast në polici.

z.Xhemë Tofja, drejtori z.Zenun Shala me ka thënë se në prezencën tonë i ka shkarkuar dy kamijona dhe kanë vazhduar të nesmërin po me të njëjtin avaz pa ndaluar këtë e ka thënë në mbledhjen e KPF_se, kjo është edhe në procesverbal dhe mund të jua sjellë.

z.Zenun Shala, përshëndetje të gjithëve, kryetari komune të dielën me të parë tymin me ka marrë mua dhe kemi shkuar të shikojmë se ku është duke djegur zjarri dhe kur kemi shkuar kanë qenë dy kamijona të zbrasur, deri sa ne ishim duke zbritur nga makina ata kanë ikur, zjarri ka qenë shumë i madh dhe menjëherë i kemi thirrur zjarrfikësat, dhe kanë ardhur, zjarrfikësit e kanë evituar zjarrin në mali që mos të zgjerohet, dhe për fat të mirë atë natë ka ra shi dhe zjarri është shuar, të nesmërin në mëngjes kemi shkuar se a është shuar zjarri, dhe kur kam shkuar atëherë kanë ardhur edhe dy kamijona tjerë dhe nuk i kam lënë të shpazur kjo është kështu dhe kështu kam thënë edhe në mbledhjen e KPF_se.

z.Zenel Maloku, drejtori z.Ganijaj po bën ndesh me fjalën e vet sepse në fillim tha se i kanë shtirë që të largojnë ata syngjerë e me pas është ndezur zjarri atëherë kujt ja kanë vënë zjarri nëse nuk

keni lejuar ti shkarkojnë syngjerat, kjo nuk është e mundur që ata të vijnë ditën e parë të dytën dhe të treften pa dijeninë e dikujt, kështu ka dijeni dhe dore komuna.

z.Dervish Bajraktari, përshëndetje për të gjithë, drejtori z.Ganijaj tha se i kanë larguar kamionët, ndërsa drejtori i nderuar z.Zenun Shala tha se aty ishin dy kamionë, ju i keni larguar dy kamionët po çështja është se për se nuk keni iniciuar rast në polici për këta dy kamionët që kanë hudhur syngjart aty dhe i kanë djegur, pse ata të mos marrin përgjegjësi apo gjore për atë që kanë dëmtuar Komunë e Junikut.

z.Sadri Krasniqi, unë e pashe që deponija ishte mbyllur, a keni marrë masa që të ketë deponi diku tjetër sepse qytetaret kanë nevojë që të hedhin mbeturinat inerte.

z.Demokrat Ganijaj, ne kemi një vendim të viti 2018 nga kuvendi që është caktuar vendi “Arat e Gata” që gjendet në mes lagjes Qok dhe lagjes “Miroc” është prone publike dhe jemi duke shiqar mundësit dhe nëse atje plotësohen këto kusht do vendosim që aty të kemi një deponi për mbeturinat inerte.

z.Besart Tofaj, deshta të përgjigjem z.Xhemë Tofaj, sa i përket raporteve që i keni kërkuar unë do i sjelli në mbledhjen e radhës nëse këto raporte nuk cenojnë ndonjë rast të inicuar ligjorë.

z.Lulzim Gacaferi, unë ende nuk kam marrë përgjigje nga Drejtori se sa i ka kushtuar komunës ky dëmë i shkaktuar nga kjo kompani, ne e dimë saktë se ti je involvuar në këtë rast, a je në gjendje që të japësh dorëheqje sepse Juniku nuk e meriton një Drejtor të tillë.

z.Demokrat Ganijaj, ne ende nuk e dimë kur të na vijnë faturat mund të dimë.

z.Xhemë Tofaj, kryesues në propozojmë që të formohet një komision për këtë rastin që ka ndodhur në deponinë e mbeturinave inerte, një komision prej tre apo pesë anëtarëve.

z.Lulzim Gacaferi, LVV_je propozon z.Xhemë Tofaj.

z.Dervish Bajraktari, AAK propozon z.Zenel Maloku.

z.Xhemë Tofaj, propozoj z.Leonard Lllolluni.

z.Shpejtim Gacaferi, atëherë kemi një propozim për formimin e një komisioni ad-hoc, me propozimet e lartcekura, e qes në votim këtë komision në sallë janë prezent 12 anëtar të Kuvendit, kush është për, për 9 vota, kundër 0 vota abstenim 0 vota.

7. Kërkesë për Draft Statutin e QKMF_së “Dr.Ali Hoxha”-Junik,

Sqarimin dhe arsyetimin e bëri drejtori i Shëndetësisë, z.Fatos Shala i cili fillimisht i përshëndeti të gjithë të pranishmit me pas e sqaroi dhe e arsyetoj para anëtarëve të kuvendit draft statusin e QKMF_së “Dr.Ali Hoxha”

z.Sadri Krasniqi, në si grup i LDK së e përkrahim, mirëpo presim që për leximin e dytë ta kemi materialin edhe fizik dhe me kohë.

z.Shpejtim Gacaferi, meqë nuk ka kërkesë tjetër e qes ne votim ne salle prezent janë 13 anëtar te kuvendit, kush është për? për 13 vota, kundër 0 vota, abstenim 0 vota, konstatoi se draft statuti për QKMF_ne leximin i pare u miratua.

8. Diskutimi për shkatërrimin e Varrezave ne fshatin Gjocaj.

z.Leonard Lolluni, kjo çështje është ngritur si shqetësim para një muaj para se te publikohet ne mediaj, ka qene asamblisti z.Zenel Maloku i cili ka pyetur drejtorin e shërbimeve publike se ato varre a janë ka largohen nga ana e Komunës apo ne mënyrë private, dhe si përgjigje ka mare nga drejtori se ajo çështje s'ka te beje me Komune, me pastaj kam dëgjuar ne media se janë dëmtuar varrezat ne fshatin Gjocaj, dhe unë ju beje pyetje Drejtorisë për Shërbime publike, inspektorëve ku një pronë publike komunale dëmtohet a keni marr masa ndëshkuese për dëmtuesit e pronave komunale ne këtë rast te varrezave.

z.Demokrat Ganijaj, sot po i vendoset kapaku kësaj Çështje sepse krejt kjo është çështje politike, ajo pjesë menaxhohet nga parku nacional dhe inspektimi i asaj pjese nga inspektorat komunal është e ndaluar, nuk ka as uzurpim as kurrigjë tjetër.

z.Leonard Lolluni, unë kam qene edhe vet Drejtor, dhe kur ka ardhur çështja për nderimin e staneve ne bjeshkë dhe shume çështje tjera prokuroria ka kërkuar fillimisht dokumente nga ne si Komune a kemi ndërmarrë veprime, dhe fshati Gjocaj është pjese e Komunës se Junikut, nuk është prone e parkut nacional, parku nacional menaxhon vetëm me pyjet, me ruajtjen e mjedisit.

z.Zenel Maloku, unë këtë çështje e kam thënë edhe me parë, ka qytetar si Sahit Rama qe me ka thënë se e ka thirr drejtori z.Demokrat Ganija e i ka thënë se duhet me i larguar varret sepse duam ta zgjerojmë rrugën, dhe ky qytetar është detyruar qe ti largoje dy varret dhe i ka kushtuar 1400€ me i ç 'varrosë. Mu si përfaqësues i fshatit Gjocaj me kane thirrur nga Peja tre persona dhe me kane pyetur se a jam ne dijeni se drejtori i ka rrafshuar varret, unë nuk kam qene ne dijeni, te nesërmen kane ardhur dhe njeri nga ta ka inicuar rastin ne Polici dhe ka kërkuar nga Policia te vinë ne vend te ngjarjes dhe mbasi jemi shkuar ne vend te ngjarjes kemi takuar drejtorin, babin e drejtorit. Dhe me se shumti jam i inatosur ne Polici sepse kur shkuam atje than se kjo paska përfunduar dhe sjellja e tyre si te ishte asgjë. Qytetaret janë te zhgënjyer me këtë gjest dhe sipas prokurorisë kjo është një vepër penale, ndërsa ne baze te fes hoxha thotë personit qe ja prish varrin është si te prishesh një shtëpi të nje personi te gjallë , por nëse ja thenë eshtrat dhe ja humbe është si me e vra një te gjallë, dhe e tera kjo si te mos ishte asgjë, unë po ta kisha pushtetin e KFOR_it apo NATO_s një varr nuk do ta kisha dëmtuar, por si duket se Drejtori ka dhenë edhe para për ti dëmtuar këto varre për mua kjo është tmerr.

z.Dervish Bajraktari, mua me vjen keq nga drejtori qe po ju ike përgjegjësive kur mundohet ta paraqes si parqe nacional varrezat e fshatit "Gjocaj", atëherë pse interesohesh mbasi qe fshatrat "Gjocaj" dhe "Jasiqi" janë park nacional pse ju bene thirrje qe te mos hedhin mbeturina aty ku këta qytetarë janë ne prona te vete e qe sipas juve nuk është përgjegjësi e komunës se Junikut, andaj Drejtor mos ju ik përgjegjësive.

z.Lulzim Gacaferi, u diskutuar edhe nga koleget këtu, Drejtor ju po thoni se atë pjesë e menaxhon parku nacional, ne rregull, por parku nacional nuk i menaxhon popullatën, popullatën e menaxhon komuna e Junikut, banorët e asaj pjese paguajnë tatim këtu ne komunën tone. Si

është e mundur që drejtori i shërbimeve publike të rrafshojë ato varreza, drejtor e ceka me herët, kërkonte dorëheqje, edhe një herë po e kërkoj, jep dorëheqje sepse nuk je për këtë pozitë, dhe lëshoja vendin dikujt tjetër që të punojë për të mirën e Junikut, jep dorëheqje sepse i ke krijuar imazh të keq komunës tonë, behu burrë në aspektin moral dhe thuaj kryetarit me vjen keq kam bërë dy gabime që janë të pa falshme dhe prej sotit nuk jam me drejtor.

z.Demokrat Ganiqaj, z.Zenel, unë nuk e di se rolin e kujt jeni duke e luajtur a të policit a të prokurorit a nuk po të kujt? Rasti ka kaluar në polici gjykatë dhe në prokurori, Komuna dhe as Kuvendi nuk kanë kompetencë të shpallin fajtorin apo jo fajtorin, dhe unë kërkoj çka ndjeje për obligim përballë teje dhe këtyre kolegëve këtu është se nuk e kam keqpërdorur pozitën si Drejtor, dhe diskutimi i juve këtu në kuvend por edhe neper lokale është vetëm dëmtim i procesit që është iniciuar në polici, në momentin që merret vendim që unë kam përgjegjësi penale për këtë rast, unë do të japë dorëheqje nga kjo pozitë.

z.Lulzim Gacaferi, ti është dashur atë ditë të japësh dorëheqje ditën që keni rrafshuar këto varre, nëse si LVV_je kemi marrëveshje me LDK që në pozita drejtuese të sjellim persona të ndershëm, unë të lutem të japësh dorëheqje që komuna jone mos të marrë imazh të keq, nuk e meritojnë qytetaret e Komunës së Junikut të kenë një drejtor të tillë.

9. të ndryshme

znj.Rajmonda Krasniqi, unë e kam një pyetje për drejtorin e arsimit, çështja është për nxënësit parashkollorë që janë 40 nxënës dhe mësimi është duke u mbajtur me dy turne me nga dy ore për shkak të mungesës së edukatores dhe mua si prind po më brengos se ato dy ore që ata po i mbajnë në bazë të plan programit arsimor po e shohë se nuk janë të mjaftueshme dhe pyetja ime është a do të vazhdoni kështu apo keni menduar ndonjë zgjidhje tjetër.

z.Xhavit Velijaj, në nga e hëna do të shikojmë mundësitë që edukatorja të ketë një edukatore mbështetëse për arsyeje se është problem të punoj vetëm një edukatore me atë grup moshe, nxënësit janë të vegjël dhe kanë nevojat e veta dhe ka raste që nxënësit mbesin vetëm për këtë arsye në mendojmë që të ketë edhe një edukatore shtesë që nxënësit mos të mbesin vetëm në asnjë rast dhe plan program, të shkojë sipas planit të planifikuar.

z.Zenel Maloku, çështja është për rrugën “Jasiq-Gjocaj” nga laura, në këtë kuvend na është thënë se rruga do të jetë e gjatë 5m, dhe unë e kam matur në tri apo katër vende diku është 4m diku 4.10m diku 4.20m dhe sipas meje kjo punë është e keqe sepse nuk është rruga e gjatë 5m siç është premtuar.

z.Lulzim Gacaferi, unë para dy ditëve isha në QKMF dhe vërejtja disa krevate, karrige të dëmtuara desha me ditë nga Drejtori i Shëndetësisë se a ka ndërmarr diçka për të zëvendësuar, po ashtu desha me ditë se banoret e lagjes “Agim Ramadani” kur do të furnizohet me ujë të pijes nga burimi që furnizohet edhe pjesa tjetër e Komunës tone, dhe çështja tjetër është zërimi i sallës së asamblesë, kur do të ndodhë, projekti ekziston e ka nënkryetari dhe unë kam marrë garanci nga ministri për mjete financiare.

z.Fatos Shala, unë isha ne QKMF dhe pyeta pikërisht për këta dyshek dhe krevate, me kanë thënë se kane dyshek dhe krevate rezervë dhe do ti zëvendësojnë ti gjitha ata dyshek dhe krevate qe janë te dëmtuara.

z.Besart Tofaj, unë e kam garancinë nga ministri qe do ta sigurojmë ujin për lagjen “Agim Ramadani” ministria do te na ndihmojë sidomos për ujin e pijes.

z.Shpejtim Gacaferi, nënkryetari nuk bon plane bën ekzekutivi, e sa i përket zërimit unë nga dita e parë jam i interesuar qe ta kemi, por kjo shkon nëpërmjet tenderimit.

znj.Ermelinda Llojuni, përshëndetje për te gjithë, kam një pyetje për ty kryesues, a kanë te drejtë asamblistët te lëshojnë sallën e kuvendit pa përfunduar pikat e rendi i ditës sepse mua me duket e pa logjikshëm.

z.Shpejtim Gacaferi, e mirë nuk është po as masë ndëshkuese nuk ka.

z.Leonard Llojuni, unë pata një çështje qe ndodhi me herët, do ishte mirë qe ta kemi zërimin dhe munden me u dëgjuar vetëm ne asamblistët dhe jo këta qe po vijën e qe nuk janë pjesë e Kuvendit dhe ne nuk e dimë se çfarë funksionesh kanë dhe po marrin fjalën pa ju dhanë ju, plus ka po dalin këtu te dera po na fyejnë.

z.Zenel Maloku, lagjja “Agim Ramadani” e ka ujin katastrof nuk është uji i pijshëm dhe do ishte mirë qe komuna te le diçka qe është me pak e nevojshëm dhe te bini ujit ne lagjen “Agim Ramadani”.

z.Lulzim Gacaferi, pyetje për drejtorin e shëndetësisë kur do te betë qe QKMF _ja te funksionoj 24h dhe aparati i rëntgenit kur do te jete funksional dhe ne shërbim te qytetarëve te komunës tonë, dhe pyetje për Drejtorin e arsimit a keni siguruar lëndën djegëse për dimër.


z.Fatos Shala, me afate është problem te flitet por ne kemi mare premtime nga ministria se do te na mbështesin me staf shtesë dhe ne baze te dhënave qe te funksionojmë 24h na nevojiten edhe katër infermier dhe dy shofer qe te funksionojmë si duhet dhe nëse zgjidhen këto problem ne qe nesër do ja nisim te funksionojmë 24h.

z.Xhavit Velijaj, po e kemi siguruar.

z.Shpejtim Gacaferi, e shpalli te mbyllur mbledhjen e tetorit 2022

Procesmbajtësi:

z. Esat Hoxha



Kryesuesi i Kuvendit:

z. Shpejtim Gacaferi

